

Sakspapir

Saksbehandlar	Arkiv	ArkivsakID
Arngunna Haga	FA - F30	15/2304

Saksnr	Utvalg	Type	Dato
130/2015	Formannskapet	PS	04.11.2015
	Kommunestyret	PS	
60/2015	Utval for levekår	PS	03.11.2015

Busetting av flyktningar

Vedlegg:

Oppmoding om busetting av flyktningar

Rundskriv 01 2015 - Integreringstilskudd for år 1 og år 2-5 i 2015

Busetting av flyktningar med bakgrunn i dagens flyktningkrise

KS sak 57.2014 Busetting flyktningar 2014-2017

Saksopplysningar:

Bakgrunn

Vi viser til brev frå Fylkesmannen i Hordaland datert 21.08.15 om flyktningssituasjonen i dag og trong for auka busetting i kommunane (vedlegg).

Meland kommune vert no oppmoda om å auke tal på flyktningar som skal busetjast utover gjeldande ramme/måltal som er gjeve i kommunestyret sak 49/2015 datert 17.06.15: Busetting av flyktningar med bakgrunn i dagens flyktningkrise.

Status

- Måltal for gjeldande busetting i 2015 er 23 personar, og status ved utgangen av oktober vil vera 18 personar. Målet om å busetje 23 personar i år vil bli nådd.
- I høve bustad er det iverksett arbeid med å nytte tilgjengelege investeringsmidlar til kjøp av bustader i tenlege bumiljø.
- I høve finansieringsgrunnlag viser ein til årsrekneskap 2014 med avsetting til fond til føremål busetting og integrering, samt gjeldande satsar for integreringstilskot 2105 jamfør link <http://www.imdi.no/no/Tilskudd/Integreringstilskudd/>

Vurdering

Rådmannen viser til saksutgreiing kommunestyret sak 57/2014 om busetting flyktningar, og tek ikkje

oppatt argumentasjon eller bereknings- og finansieringsgrunnlag her. Flyktningkatastrofen som no og merkast her i landet, talar for at Meland kommune tek samsfunnsansvar og tek eit ekstra tak for å hjelpa på trongen for busetting.

Med føresetnad om at ein klarer å etablere tilstrekkeleg tal bustader til målgruppa, legg rådmannen til grunn at ein kan møte oppmodinga frå fylkesmannen om 30 personar i 2016 og 30 personar i 2017. Vidare legg ein til grunn at ein for åra 2018 og 2019 busett 25 nye kvart år.

Når det gjeld trong for investeringsmidlar til bustader, vil rådmannen handsama dette i revidert økonomiplan.

Viser til vedtak i kommunestyret 49/2015 pkt 6. Meland kommune opplever at folk i Meland tek ansvar og ynskjer å bidra i flyktningssituasjonen som no møter oss. Vi opplever auke i talet på bustader som vert gjort tilgjengelege for flyktningar. Vidare opplever vi at folk melder seg til innsats for å bidra i arbeidet med busetting og integrering av flyktningar.

Det at kommunen både har kjøpt eigne bustader og har fått tilgang på bustader på den private marknaden, gjer at rådmannen vurderer at kommunen har kapasitet til å auke talet på busette flyktningar alt i år. Rådmannen vurderer at kommunen kan busetje 7 nye flyktningar utover dei 23 kommunen har vedtak om.

Kommunane i Noreg er uroa for at det er for få flyktningar som kjem i arbeid etter endt introduksjonsprogram, og at ein for stor del av flyktningane vil ha trong for stønad frå kommunane etter at dei fem åra med stønad frå Staten fell bort. Meland kommune har fått støtte frå Fylkesmannen i Hordaland til eit prosjekt der ein arbeider meir systematisk med å sikre overgang til arbeid i løpet av introduksjonsperioden og/eller etter at denne er avslutta.

Med dei føresetnader som ligg til grunn bør Meland kommune auke busettingsmål med + 7 (frå 23 til 30 personar) per år i perioden 2015-2017. I tillegg bør Meland kommune møte oppmodinga om å busetje 25 personar kvart år for åra 2018-2019. Nytt samla tal for perioden 2015-2019 vert 140 personar. Familiegjennforeining kjem i tillegg.

Folkehelse – ingen merknad

Miljø – ingen merknad

Økonomi – ingen merknad

Konklusjon

Rådmannen rår til at Meland kommune aukar ramme/måltal for busetting av flyktningar i perioden 2015-2017 slik at ein for åra 2015-2017 tek i mot 30 personar kvart år. Vidare rår rådmannen til at Meland kommune vedtek å busetje 25 personar kvart år for perioden 2018-2019. Det er ein føresetnad at kommunen klarer å etablere tilstrekkeleg tal bustader i perioden. Tilrådinga er tufta på samfunnsansvaret til Meland kommune med auka tilstrøminga av flyktningar til landet.

Framlegg til vedtak:

«Kommunestyret tek samfunnsansvar med omsyn til flyktningssituasjonen og aukar noverande

ramme/måltal for busetting med fylgjande:

1. Meland kommune aukar tal på personar for busetting med +7 for 2015.

Dette utgjer ei samla busetting med 30 personar per 2015.

2. Meland kommune aukar tal på personar for busetting med + 7 kvart år for åra 2016-2017.

Dette utgjer ei samla busetting med 30 personar kvart av åra 2016 og 2017.

3. Meland kommune vil busetje 25 personar kvart år for perioden 2018-2019.

4. Ressursar relatert til eventuell familiegjenforeining kjem i tillegg til måltal i punkt 1-3., og vert utført kontinuerlig etter godkjende vedtak.

5. Det er ein føresetnad for måloppnåing jamfør punkta 2-3 at kommunen klarer å etablere tilstrekkeleg tal bustader i tenlege bumiljø i perioden. I tillegg må kommunen nytte integreringstilskot til å sikre kapasitet i ulike tenestetilbod utfrå dei individuelle føresetnadene til flyktningane.

6. Meland kommune opprettheld prinsippvedtak i kommunestyret sak 108/12. Integreringstilskotet skal til ei kvar tid øyremerkjast resursbruk relatert til busettings- og integreringsverksemd (bundne fond)»

Utval for levekår - 60/2015

ULK - behandling:

Tilleggsframlegg i møte frå Øystein Blom (H):

7. Det er ein føresetnad at statens tilskot dekkjer dei faktiske kostnader.

Framlegget fekk **2 røyster for** (2 H) og **6 røyster mot** (2 AP, 1 SP, 1 Krf, 1 V, 1 MDG), og **fall**.

ULK - vedtak:

«Kommunestyret tek samfunnsansvar med omsyn til flyktningsituasjonen og aukar noverande ramme/måltal for busetting med fylgjande:

1. Meland kommune aukar tal på personar for busetting med +7 for 2015.

Dette utgjer ei samla busetting med 30 personar per 2015.

2. Meland kommune aukar tal på personar for busetting med + 7 kvart år for åra 2016-2017.

Dette utgjer ei samla busetting med 30 personar kvart av åra 2016 og 2017.

3. Meland kommune vil busetje 25 personar kvart år for perioden 2018-2019.

4. Ressursar relatert til eventuell familiegjennforeining kjem i tillegg til måltal i punkt 1-3., og vert utført kontinuerlig etter godkjende vedtak.

5. Det er ein føresetnad for måloppnåing jamfør punkta 2-3 at kommunen klarer å etablere tilstrekkeleg tal bustader i tenlege bumiljø i perioden. I tillegg må kommunen nytte integreringstilskot til å sikre kapasitet i ulike tenestetilbod utfrå dei individuelle føresetnadene til flyktingane.

6. Meland kommune opprettheld prinsippvedtak i kommunestyret sak 108/12. Integreringstilskotet skal til ei kvar tid øyremerkjast resursbruk relatert til busettings- og integreringsverksemd (bundne fond)»

